

Faahororaa no te *Faaineineraa* no te putuputuraa *Oraraa e taviniraa*

3-9 NO FEPUARE

TAO'A RAU BIBILIA | GENESE 12-14

"Eaha te auraa o teie faufaa no oe?"

it-1-F 78 par. 6

Faufaa

Te faufaa faaauhia ia Aberahama. E au ra e ua mana te faufaa faaauhia ia Aberahama i to Aberahama (Aberahama) haereraa na te anava'i Eupharate a tere ai oia i Kanaana. Ua haamauhia taua faufaa ra 430 matahiti i muri a'e. (Ga 3:17) Ua faaite lehova ia Aberahama ia haere i te fenua ta 'na e faaite ia 'na. I tera taime, ua ora ia Aberahama i Mesopotamia, i Ura, te fenua o te Kaladaio. (Ohi 7:2, 3; Ge 11:31; 12:1-3) Ia au i te Exodo 12:40, 41, i te hopea o na 430 matahiti o to Iseraela nohoraa i Aiphiti e i Kanaana, "i taua mahana mau ra," ua faatiamahia to Iseraela mai Aiphiti. Ua faatiamahia ratou i te 14 no Nisana, i 1513 hou te Mesia, te taio mahana o te Pasa. (Ex 12:2, 6, 7) E tapao paha tera e ua haere Aberahama na roto i te anava'i Eupharate, a tere ai oia i Kanaana, i te 14 no Nisana i 1943 hou te Mesia. Ua mana ia te faufaa faaauhia ia Aberahama i taua taime ra. Ua fa faahou maira lehova ia Aberahama i muri a'e i to Aberahama tereraa i Kanaana e tae atu ra i Sekema ra. Ua na ô lehova: "E horoa vau i teie nei fenua no to oe ra **huaai**." Ua tuati taua faufaa ra i ta lehova i fafau i Edene e ua faaite atoa te reira e e no roto mai tera "huaai" i te taata. (Ge 12:4-7) Ua faaite lehova i te tahi atu mau haamaramaramaraa, mai tei papaihia i Genese 13:14-17; 15:18; 17:2-8, 19; 22:15-18.

it-2-F 152 par. 6

Ture

Ia au i te mau haapapuraa i te pae tuatapaparaa, ua tiaturi te tahi mau aivanaa e no te hoo atu i te tahi fenua, e titauhia i te taata hoo ia faaite i te fenua i te taata e hinaaro e hoo mai.

Ua na reira oia ma te faaite maitai atu i te fenua, ia ite-maitai-hia te mau otia. A parau ai te taata o te hinaaro e hoo mai, "Ua ite au," e auraa ia e ua farii oia e hoo mai i taua fenua ra i mua i te ture. A fafau ai lehova ia Aberahama e horoa oia i te fenua nei o Kanaana ia 'na, ua faaite lehova ia 'na ia hi'o na mua i te pae i apatoerau, i apatoa, i te hitia o te râ e i te pae i te tooa o te râ. Aita Aberahama i parau, "Ua ite au," peneia'e no te mea ua faaite te Atua e e horoa oia i te Fenua tãpũhia i to Aberahama **huaai** i te tau a muri a'e. (Ge 13:14, 15) Ei tia no Iseraela, ua faauehia Mose ia "hi'o" i te fenua. Mai te peu e tera iho â te faanahoraa, e auraa ia e ua ho-roahia te fenua i mua i te ture ia Iseraela. E tupu te reira i raro a'e i te aratairaa a Iosua. (De 3:27, 28; 34:4; a hi'o atoa i ta Satani tamataraa ia Iesu i roto i te Mt 4:8.) Te vai atoa ra te tahi atu ohipa o tei ravehia i mua i te ture: Te tereraa na te tahi fenua aore ra te haereraa i te hoê fenua ma te hinaaro e haru i taua fenua ra. (Ge 13:17; 28:13) Ia au i te tahi mau papai tahito, ia hinaaro te tahi taata e hoo atu i te hoê fenua, e titauhia ia 'na ia faaite ehia tumu raau i vai na i nia i tera fenua.—A hi'o atoa i te Ge 23:17, 18.

A maimi i te mau poe pae varua

it-2-F 654 par. 7

Tahu'a

E tahu'a (*kohen*) faahiahia roa te arii no Salema, o Melehizedeka to 'na i'oa. Eita te Bibilia e horoa i te mau haamaramaramaraa no nia i to 'na mau tupuna, to 'na fanauraa aore ra to 'na pohe. Aita oia i riro ei tahu'a maoti to 'na metua e aita e tahu'a mai ia 'na i mua e i muri ia 'na. Ua tavinini Melehizedeka ei arii e ei tahu'a. E autahu'araa rahi a'e to 'na i te autahu'araa ati Levi. Oia hoi, i te taime i aufau ai Aberahama i te tuhaa ahuru no Melehizedeka e i haamaitaihia 'i e o 'na, mai te huru ra e tei roto Levi ia Aberahama inaha e huaai o 'na no Aberahama. (Ge 14:18-20; Heb

7:4-10) No reira e nehenehe e parau e ua faaho-
ho'a Melehizedeka ia lesu Mesia, e 'tahu'a oia mai
ia Melehizedeka ra te huru e a muri noa 'tu.'—Heb
7:17.

10-16 NO FEPUARE

TAO'A RAU BIBILIA | GENESE 15-17

**“Ua mairi lehova ia Aberama raua Sari i te
mau i'oa apî: No te aha?”**

it-1-F 870

Hapa

Pinepine te mau faaotiraa e ohipa a te taata i te
hape. Na roto ia Adamu i ô mai ai te hara e te
hape i te ao nei. (Ro 5:12; Sa 51:5) O lehova râ,
mea hapa ore oia, e “ua ite hoi oia i to tatou
huru; te mana'o ra oia e, e repo tatou nei.” E mea
aroha hamani maitai o lehova. (Sa 103:13, 14)
No lehova, e taata taiva ore e auraro o Noa, e
taata “hau Noa i te parau-tia e te pi'o ore i to
'na ra ui.” (Ge 6:9) Ua faaue lehova ia Aberaha-
ma ia haere 'na mua ia 'Na ma te hapa ore.’ (Ge
17:1) Noa 'tu e mea tia ore o Aberahama raua
Noa, no lehova râ, mea hapa ore raua inaha e
nehenehe oia e “hi'o . . . i te aau.” (Sa1 16:7; a
hi'o i te Ar2 20:3; Pa2 16:9.) Ua faaite lehova
ia Iseraela: “Ei to Atua mau iho â oe ei ia leho-
va.” (De 18:13; Sa2, 22:24) Ua horoa oia i ta 'na
Tamaiti hapa ore (Heb 7:26) ei tusia taraehara.
Maoti te reira e nehenehe ai lehova e pii i te feia
e faatupu ra i te faaroo, “taata parau-tia” aore ra
hapa ore. Te tapea atoa ra oia i ta 'na tiaraa ei
Tavana parau-tia e hapa ore.—Ro 3:25, 26.

it-1-F 30 par. 1

Aberahama

Ua mairi te tau. I te ahururaa matahiti o to ra-
tou nohoraa i Kanaana, aita â Sara i fanau atu-
ra i te tamarii. Ua parau Sara ia Aberahama ia
haere oia e ta 'na vahine tavini Aiphiti ra o Ha-
gara, na roto i tera vahine tavini e noaa mai ai te
tamarii. Ua farii Aberahama i te reira. I 1932 hou
te Mesia, i to 'na 86raa matahiti, ua noaa ia Abe-
rahama te hoê tamaiti, o Isemaela to 'na i'oa. (Ge

16:3, 15, 16) Ua mairi te tau. I 1919 hou te Me-
sia, i to Aberahama 99raa matahiti, ua faaue le-
hova ia peritomehia te mau tane atoa o te utua-
fare o Aberahama. E tapao te reira i te faufaa
taa ê i vai na i rotopu ia lehova e ia Aberahama.
I te hoê â taime, ua tau i lehova i to Aberama
i'oa ei Aberahama, ia au i ta lehova i parau: “E
faaairo vau ia oe ei metua no te mau fenua atoa
e rave rahi.” (Ge 17:5, 9-27; Ro 4:11) I muri rii
noa 'e, ma te i'oa o lehova, ua farii maitai Abe-
rahama i te mau melahi e toru tei rave i te tino
taata. Ua fafau taua mau melahi ra e e fanau
Sara i te hoê tamaiti i te matahiti i mua!—Ge 18:
1-15.

w09-F 1/2 13

E auraa to te mau i'oa

Ua tau i lehova i te i'oa o te tahi mau taata paa-
ri, ia au i ta 'na mau parau tohu. Ei hi'oraa, ua
mairi oia ia Aberama, ‘Metua faateiteihia,’ i te i'oa
Aberahama, ‘Metua no te nunaa e rave rahi.’ Ia au
i te auraa o to 'na i'oa, ua riro Aberahama ei Me-
tua no te nunaa e rave rahi. (Genese 17:5, 6) A
hi'o atoa i te tupuraa a Sari, te vahine a Abera-
hama. ‘Tei mârô’ paha te auraa o to 'na i'oa. Ua
oaoa Sari a mairi ai lehova ia 'na i te i'oa “Sara,”
tamahine hui arii te auraa, no to 'na riroraa ei
tupuna no te mau hui arii.—Genese 17:15, 16.

A mairi i te mau poe pae varua

it-1-F 465 par. 5

Te tuatapaparaa tau

Ua parau lehova ia Aberama (Aberahama): “E riro
mau to oe huaai ei purutia i te fenua no vetahi
ê, e haafao mai taua fenua ra ia ratou, e e ha-
mani ino mai, e e maha atoa hanere i te mata-
hiti, ia ite mai hoi oe.” (Ge 15:13; a hi'o atoa i te
Ohi 7:6, 7.) Ua faahitihia te reira hou a fanauhia
'i Isaaka, te “huaai” tãpũhia. I 1932 hou te Me-
sia, ua fanauhia o Isemaela, te tamaiti a Abera-
ma mai roto mai i te vahine tavini Aiphiti ra o Ha-
gara. E i 1918 hou te Mesia, ua fanauhia o Isaaka.
(Ge 16:16; 21:5) Ia taio tatou e 400 matahiti mai
te taime i faarue ai to Iseraela ia Aiphiti, te ho-
pea o te tau o te ‘hamani-ino-raa,’ (Ge 15:14) e

tae ia tatou i te matahiti 1913 hou te Mesia. E pae matahiti ia to Isaaka i tera taime. E au ra e ua 'mairi te ū ia Isaaka' i taua matahiti ra e e taa-ta e oia i te fenua. Ua haamata te tau o te hamani-ino-raa tei tohuhia, oia hoi, ua faaooo lsemaela ia Isaaka, e 19 matahiti ia to lsemaela. (Ge 21:8, 9) Peneia'e i to tatou tau, e ere paha te faaooora a lsemaela i te mea faufaa roa, e ere rā mai tera i te tau o te mau patereareha. Oia hoi, ua haapapuhia te reira na roto i te haerea o Sara e te huru o te Atua a farii ai Oia i ta Sara aniraa ia tiahia o Hagara raua lsemaela. (Ge 21:10-13) Ua papaihia teie tupuraa na roto i te mau tuhaa rii atoa i roto i te mau Papai no te faaite e ua haamata te tau o te hamani-ino-raa, e 400 matahiti i te maoro, e ua hope te reira a faarue ai to lseraela ia Aiphiti.—Ga 4:29.

it-1-F 844 par. 7

Te faarueraa ia Aiphiti

“I te maha o te ui.” E mea tia ia haamana'o e ua parau lehova ia Aberahama e e ho'i atu to lseraela i Kanaana i te maha o te u'i. (Ge 15:16) Ia taio tatou mai te taime i mana 'i te faufaa i faaauhia ia Aberahama e tae atu i te faarueraa ia Aiphiti, e 430 ia matahiti i te maoro. Ua hau atu rā i te maha u'i, noa 'tu e i ora maoro na te mau taata i taua tau ra, ia au i te aamu. Papu maitai rā, ua ora to lseraela e 215 matahiti i te maoro i **Aiphiti**. Ei hi'oraa, ia rave tatou i te hi'oraa o te hoê noa opu fetii lseraela, te ati Levi, e maha ia u'i no roto mai i tera opu fetii tei ora i Aiphiti, oia hoi, (1) o Levi, (2) Kohata, (3) Amerama, e o (4) Mose.—Ex 6:16, 18, 20.

17-23 NO FEPUARE

TAO'A RAU BIBILIA | GENESE 18-19

A maimi i te mau poe pae varua

w88-F 15/5 23 par. 5-6

Ua ite a'ena anei te hoê taata i te Atua?

E taa-maitai-hia no te aha Aberahama i paraparau ai i te auvaha a te Atua, te melahi ia tei

rave i te tino taata, mai te huru ra e ua paraparau oia i te Atua ra o lehova. I te mea ra e ua faaite taua melahi ra ia Aberahama i ta lehova i hinaaro iho â e faaite ia 'na e i te mea e ua paraparau te melahi ei tia na te Atua, ua nehenehe te aamu Bibilia e parau: “Ua fa maira lehova ia 'na.”—Genese 18:1.

A haamana'o e ua nehenehe te hoê melahi ei auvaha e faaite i ta lehova mau poroi ma te papu roa, mai te ravehia ra maoti te hoê niuniu paraparau aore ra hoê radio. E nehenehe ia tatou e taa nafea Aberahama, Mose, Manoa e te tahi atu i paraparau ai i te hoê melahi tei rave i te tino taata, mai te huru ra e ua paraparau ratou i te Atua. Ua nehenehe ratou e ite mata i taua mau melahi ra e i te hanahana a lehova ta taua mau melahi ra i faaite. Aita rā Aberahama, Mose, Manoa e te tahi atu i nehenehe e ite mata i te Atua. E tuati ia te reira i ta te aposetolo loane i papai: “Aore roa e taata i ite i te Atua.” (loane 1:18) Ua ite mata taua mau taata ra i te mau tia melahi, eiaha rā i te Atua.

24 NO FEPUARE–1 NO MATI

TAO'A RAU BIBILIA | GENESE 20-21

A maimi i te mau poe pae varua

wp17.3-F 12, nota

E vahine haviti roa oe

E tuahine Sara no Aberahama. Hoê â metua tane to raua, o Tera, e ere rā hoê â metua vahine to raua. (Genese 20:12) I teie mahana, e ere taua mau faaipoiporaa ra i te mea tano. A haamana'o rā mea taa e tei ravehia i taua tau ra. I tera tau, ua piri a'e te taata i te huru tia ore ta Adamu raua Eva i fana'o, e i ere. E ere ia i te mea atāta i te pae o te ihi tapao tupuna ia faaipoipo tera mau taata pautuutu e to ratou mau fetii piri. Maha hanere matahiti i muri a'e rā, ua tuati te faito o te oraraa o te taata e to tatou. I taua tau ra, ua opani te ture a Mose ia ravehia te mau peu tao-toraa i rotopu i te mau fetii piri.—Levitiko 18:6.